





第六六七册

四庫全書

●上海古籍出版社

本冊目次

欽定八旗通志(四)

清乾隆五十一年敕撰

欽定四庫全書

史部

欽定八旗通志卷一百六十五
一百六十八

欽定八旗通志卷一百六十五

大臣傳三十三

伊達 察哈刺

古 恩 哈

齊爾格申 揚善 錫

上 庫 林 阿 賴

車 克

珠瑪喇 鄂 屯

吉恩哈

弟吉普喀達

吉恩哈姓烏蘇世居瓦爾喀馮佳屯初臣於烏拉部見其貝勒不足事與弟吉普喀達來歸

欽定四庫全書

欽定八旗通志卷一百六十五

太祖高皇帝並任佐領隸滿洲正白旗後改隸鑲白旗天

命四年吉恩哈從征明有功授三等輕車都尉世

職六年以叅領率兵圍遼陽城立雲梯先登天聰

八年

太宗文皇帝念其功晉世職二等輕車都尉是年同叅領

武巴海征東海呼爾哈部俘獲男婦千五百有奇

牲畜輜重無算九年同副都統巴奇蘭等征黑龍

江收二千丁以歸晉一等輕車都尉崇德元年

太宗親征朝鮮聞明兵入融場遣吉思哈率兵躡其後擊

敗之明兵遁二年正月大軍攻克朝鮮國都吉思

哈奉

命同理藩院叅政尼堪等率每旗甲士十人及科爾沁教

漢奈曼扎魯特烏喇特諸外藩兵征瓦爾喀將出

朝鮮境有朝鮮兵二萬分列營壘吉思哈率兵合

諸軍進擊並設伏絕其去路斬其平壤巡撫殲數

千人獲馬三千敵遁走山巔設柵拒守我軍圍之

欽定四庫全書

欽定八旗通志
卷一百六十七

二

三日敵衆遂降進略瓦爾喀即以所獲牲畜等物

分給外藩隨征將士遺之各還所部奏捷稱

旨累遷至吏部叅政三年四月卒以其子吉瞻襲職吉普

喀達亦以天命四年從征功授三等輕車都尉世

職六年任叅領隨大軍攻奉集堡明總兵李秉誠

赴援為我左翼四旗兵逐奔吉普喀達奮往追擊

直抵城壕中敵卒天聰八年贈二等輕車都尉子

瓜爾察襲

愛松古

愛松古姓納喇世居葉赫

太祖高皇帝天命四年來歸隸滿洲鑲白旗屢從征伐

太宗文皇帝崇德元年

命偕察漢喇嘛等赴明邊殺虎口互市再復

遣往科爾沁調教漢奈曼扎魯特烏喇特諸部兵征明三

年七月初設理藩院以愛松古為副理事官十月

自歸化城導尼魯特部長墨爾根戴青來歸四年

欽定四庫全書

欽定八旗通志
卷一百六十七

五

詔率巴林烏喇特兵赴四子部追捕逃人愛松古至中途

潛歸論死

命從寬鞭百仍令供職六年隨大軍圍松山明總督洪承

疇遣其兵夜遁理藩院官屬未偵報又不悉力邀

擊愛松古復坐鞭責罰錢

世祖章皇帝順治元年擢任佐領隨都統葉臣等征山西

時流賊李自成西遁其偽伯陳永福據太原我軍

以紅衣破攻之城圯永福挾衆突出愛松古以蒙

古兵迎戰多斬馘獲馬千餘又追敗賊將馬驥於黃河獲舟十有五年隨都統巴哈納進圍延安賊馬步出城來犯愛松古卻之尋率八騎躡追自成獲其孥三年五月蘇尼特部騰機思等率所部叛奔喀爾喀七月豫親王多鐸奉

命集兵克魯倫河追勦愛松古率前鋒兵扼據險隘大軍

繼進騰機思遁走復隨侍郎尼堪副都統明安達禮乘夜追擊獲其輜重斬其台吉茂海遂渡圖喇

欽定四庫全書

欽定四庫全書

四

喀爾喀土謝圖汗以兵二萬拒戰愛松古隨鎮國將軍瓦克達等敗其馬兵追逐三十餘里四年叙功于雲騎尉世職五年四月奉

命率蒙古兵六百駐防太原涇陽叛賊李陽以二千人來

犯愛松古敗其衆斬李陽以徇十一月又擊敗叛

賊王享明於交城是時叛鎮姜瓖據大同賊黨劉遵糾衆萬餘謀犯代州與瓖犄角愛松古聞報率

駐防兵馳赴代州偕遊擊高國勝籌畫守具還據

衆猝薄城下立雲梯為乘城計愛松古力禦之獲

梯九斬賊三百賊益兵掘城我軍自城上發矢石

賊多死遠走繁峙六年正月賊復來犯潛結城郭

奸徒為內應門啟賊衆擁入郭愛松古督兵嬰城

固守越十餘日端重親王博洛統兵赴援擊敗賊

衆斬賊渠郭芳遠遁代州平乃還駐太原四月瓖

黨十餘萬由清源犯太原愛松古與巡撫祝世昌

議賊勢猖獗宜相度形勢據險防禦使不得逼城

欽定四庫全書

欽定四庫全書

五

下乃分遣將士赴清源徐溝禦賊會端重親王率

兵自晉祠入勦賊衆敗遁七年遇

恩詔授騎都尉叙功加一雲騎尉八年擢泰領尋擢鑲白

旗蒙古副都統兩遇

恩詔晉世職為二等輕車都尉九年孫可望等掠湖南愛

松古隨敬謹親王尼堪率兵追勦師至衡州王殲

於陣師還以不及救王降世職為騎都尉兼一雲

騎尉十六年致仕康熙十四年六月卒

賜祭葬如典禮于訥青初以三等侍衛於順治十六年隨

征海賊鄭成功至廈門卒於軍至是以訥青之子

瑪爾繼襲職

尼堪

尼堪姓納喇世居松阿里烏刺

太祖高皇帝時率眾來歸

賜號巴克什後隸滿洲鑲白旗初以說降蒙古科爾沁部

授騎都尉天命十年偕侍衛博爾晉等率兵征呼

欽定四庫全書

欽定八旗通志
卷一百六十七

爾哈部收獲五百戶師還

上郭勞賜宴天聰初擢一等侍衛從

太宗文皇帝征明攻錦州有功七年隨貝勒等鞠獄藩部

同行佐領阿什達爾漢以所費

勅諭二十道付尼堪尼堪委之從役遂失其九所司奏劾

論哥如律是年萬齋忒部台吉額林等歸順

命尼堪往迎之明年正月收其所部戶口及牲畜以還七

月

上統大軍征明道遇察哈爾部眾來降尼堪奉

旨還盛京安置降人家屬時鄭親王濟爾哈朗留中

盛京令尼堪同卦爾察席特庫車駐防兵十二人偵

明兵猝遇敵奮擊之追至遼河凡三戰斬敵百餘

眾悉驚潰九年隨貝勒岳託駐兵歸化城土默特

部長博碩克圖之子私與明通使人往喀爾喀約

明使偕來岳託遣尼堪同叅領阿爾津等伺之擒

其使十人及明使四人以獻尋與承政英俄爾岱

欽定四庫全書

欽定八旗通志
卷一百六十七

馬福塔等齎

諭朝鮮崇德元年六月授理藩院承政二年正月大軍攻

克朝鮮國都

上命尼堪同叅領吉思哈佐領葉克舒率八旗及科爾沁

扎魯特教漢奈曼諸外藩兵征瓦爾喀將出朝鮮

境有朝鮮兵於吉木海列營抗拒尼堪率師進擊

大破之斬其平壤巡撫朝鮮合兵二萬襲我軍後

尼堪與吉思哈等設伏誘敵殲萬餘人敵遁據山

巖立柵拒守我師圍之三日遂下降其哈忙城巡撫及各城總兵副使等官獲牲畜布帛等物無算進略瓦爾喀即以所獲分給外藩將士遣之還班師奏凱尋同承政阿什達爾漢往科爾沁巴林扎魯特喀喇沁諸部頒

敕詔並會諸部王貝勒清理刑獄三年五月部議尼堪於科爾沁察審諸事狗庇失實應解部任籍家產半得

欽定四庫全書

欽定八旗通志
卷一百六十七

旨解任免籍家產七月授理藩院右叅政四年大軍征明撤調科爾沁諸部兵來者俱不及額

詔尼堪會科爾沁王貝勒等訊其罪遂歷喀喇沁土默特諸部讞定罪狀五年四月

上以尼堪克副任使授三等輕車都尉先是承政薩穆什喀等征索倫部俘其衆數千至是復有數百戶來歸

命尼堪往頒

賞賚並與郭爾羅斯部新附之衆共編為八佐領而還七月奉

諭撤外藩兵征索倫簡其軍實

世祖章皇帝定鼎燕京以功進二等輕車都尉順治二年隨豫親王多鐸平定河南統外藩兵由南陽趨歸德招服一州四縣晉一等輕車都尉三年復隨豫親王討蘇尼特部騰機思大破其衆多斬獲明年叙功晉三等男遷本院尚書六年喀爾喀使至覲

欽定四庫全書

欽定八旗通志
卷一百六十七

睿親王多爾袞馬而不及異親王滿達海異親王使人告理藩院尼堪以啟睿親王王曰於例云何曰外藩職貢例不越送諸王王惡其語侵已令內大臣議尼堪罪奪其俸三遇

恩詔加至三等子世襲罔替十年

上以尼堪宣力有年衰老可念

特命以原官加一級致仕晉二等子十七年卒

賜祭葬無嗣以其弟阿穆爾圖阿錫圖及從子瑪拉兆寶

分襲其職瑪拉自有傳

齊爾格申

齊爾格申世居寧古塔以地為氏

太祖高皇帝時隨其兄納林率丁壯百餘來歸即以納林管之授為佐領隸滿洲鎮白旗納林卒齊爾格申仍其任率所部鎮達卜遜木城明人來攻耀州齊爾格申往援敗之於沂河還駐平山見海濱鹽徒十人具舟將竄乘夜襲之殪其衆明錦州守將來

欽定四庫全書

欽定八旗通志
卷一百六十七

犯齊爾格申擊之而被創奮勇力戰卒敗敵

太宗文皇帝天聰六年修蓋州城移戶以實之

命齊爾格申隨副都統石國柱參領雅什塔等率兵駐守八年以克副任使授騎都尉世職是時明遣將數誘我新附之衆往歸齊爾格申嘗率兵十沿海緝捕逃亡有七人將渡海明人以舟迎之既離岸矣齊爾格申涉水追射殪其執鳥鎗者一人及倡逃者一人遂躍入其舟生擒明倭禦一及邏卒十三

人旋復率兵扼北新渡口偵知敵舟五十餘泊島

即設伏以待果有二十餘人入島伐木伏發盡獲

之海中敵舟有二人遙呼曰我逃人也誰敢逐我

者齊爾格申擊小舟應聲碎至擒其一斬其一敵

舟驚潰崇德元年四月分別駐防年滿各官功罪

以齊爾格申捕獲逃人甚衆駐守稱職

賜良馬五月隨武英郡王阿濟格征明宣府薄大同戰城

下兩敗敵衆出延慶州俘人戶牲畜以還

欽定四庫全書

欽定八旗通志
卷一百六十七

世祖章皇帝時嘗任

福陵總管順治七年遇

恩詔加一雲騎尉世職先是齊爾格申之從弟多尼喀於

崇德七年隨貝勒阿巴泰征明至山東攻萊陽縣

先登克其城

賜號巴圖魯授騎都尉又一雲騎尉世職至是卒

命齊爾格申併襲為一等輕車都尉復兩遇

恩詔晉爵三等男康熙十二年三月卒

賜祭葬如例孫石清襲爵

揚善 子羅碩

揚善姓瓜勒佳費英東第四弟音達戶齊之子也

太祖高皇帝時以其祖索爾果歸附功授騎都尉世職初

隸滿洲鑲黃旗後改隸鑲白旗

太宗文皇帝即位設十六大臣以揚善佐理鑲黃旗事尋

任護軍統領三年從大軍征明北京遵

上方略衝鋒破堅所至有功五年攻大凌河城與明監軍

欽定四庫全書

欽定四庫全書

卷一百六十七

道張春戰冒矢石先衆入陣擊敗敵兵胸腕中創

各一晉三等輕車都尉擢內大臣六年

上統大軍親征察哈爾揚善從時林丹汗既率衆遁其部

衆近明界沙河堡者悉逃入堡內揚善奉

命率精兵六十人偕通事顧祿古齋

諭索取之明人驚懼盡歸我察哈爾逃人崇德二年征大

同蒙古部人有被掠者悉取以歸旋授議政大臣

六年隨鄭親王濟爾哈朗圍錦州以城內明兵出

犯鑲黃旗官兵退怯避敵揚善坐徇隱論罰贖得

旨寬免順治元年四月都統和洛輝布魯親王多爾袞意

誣告肅親王豪格言詞悖妄揚善不力為諫阻又

不舉首與其子羅碩俱棄市羅碩初以能通滿洲

蒙古漢語

太宗文皇帝擢居文館崇德元年授國史院學士尋任前

鋒參領兼刑部理事官凡在文館軍營傳宣

諭旨往來報捷以及問罪朝辭審斷獄訟罔不當

欽定四庫全書

欽定四庫全書

卷一百六十七

上意至是以平素出入肅親王府第坐論附為亂論死順

治八年

世祖章皇帝念揚善父子之無辜也治和洛輝罪

命復揚善輕車都尉世職以其孫霍羅襲

伊遜

伊遜姓瓜勒佳費英東弟音達戶齊之第三子也

初與兄揚善弟吉賽納都枯吉遜等並隸滿洲鑲

黃旗後改隸鑲白旗伊遜少從

太祖高皇帝征伐屢立戰功

太宗文皇帝即位設十六大臣以伊遜佐理鑲黃旗事從征多羅特率步卒擊敗蒙古兵天聰三年大軍伐明改遵化城伊遜先登中礮傷臂

太宗臨視授三等輕車都尉世職尋擢兵部承政七年偕戶部啟心郎英俄爾岱齋

諭朝鮮宣示

威德定互市議咸稱

欽定四庫全書

欽定四庫全書

卷一百六十七

古八年管佐領崇德元年率八旗兵百四十人往助海州

防守明兵望風引遁師還會都統都類復罪逮繫

兵部叅政穆爾泰處澤暑蒸鬱驅囚出繫所遣使

為都類設幃次且為拂蠅囚訴其狀伊遜坐同官

隱匿不奏罷任三年更定部院官制仍授為兵部

承政明年兼管副都統奉

命副工部承政薩穆什喀率左翼兵征索倫至呼爾哈部是時達爾布尼阿哈爾都戶白庫都漢必爾岱等

聚眾抗拒於伍庫爾城伊遜乘夜舉火攻克之進

攻鐸陳未下聞博穆博果爾兵來援我師遂還已

而佐領薩必圖卓布退等率師繼至伊遜復整兵

往鐸陳設伏斬敵七十餘級當薩穆什喀之以師

還也博穆博果爾以兵襲我輜重甲士斃卒多陣

亡者伊遜坐不急入援罪應罷職

詔寬免以罰贖懲之八年卒子噶達渾襲職順治十二年

追謚伊遜曰襄壯

欽定四庫全書

欽定四庫全書

卷一百六十七

賜祭奠建碑紀績

察哈喇子富喇克塔

察哈喇姓郭絡羅初隸滿洲鑲黃旗後改隸鑲白

旗父常舒為沾河寨長

太祖高皇帝時與其弟揚舒率眾來歸

命分轄其眾為佐領既卒察哈喇仍其任

太宗文皇帝即位以察哈喇列十六大臣佐理正紅旗事天聰三年大軍征明取遵化薄燕京明年正月旋

師取永平澤州

命貝勒阿敏等守永平都統納穆泰等守澤州以察哈喇
署都統率蒙古左右翼兵守遵化四月同都統武
訥格於撫採所設伏敗敵獲馬二百餘明將合步
騎四千奪大安口察哈喇與武訥格整軍奮擊殲
殪甚衆五月明兵陷澤州納穆泰等走永平阿敏
度不能禦敵撤退化將士棄城偕歸會敵兵已逼
城察哈喇同都統鄂本克等突圍出全師以還五
年

欽定四庫全書

欽定八旗通志
卷一百六十七

上遣都統楞額禮等征明南海島察哈喇率兩紅旗兵隨
征次海濱獲敵船以未足濟師暫駐守俾遇明兵
渡海來犯我佐領穆世乜禦敵陣亡察哈喇督兵
奮擊敗敵別達人沉其船敵還爭舟不得溺水死
者過半六年五月大軍略明宣府大同邊境分兵
略歸化城及黃河濱

命察哈喇同承政車爾格率兵五百為前隊且備船濟師

十一月同承政巴篤理往朝鮮議職首歲額九年
隨貝勒多鐸征明錦州與都統阿山泰領武拜等
率兵四百先驅遇明兵三千於大凌河西相對列
陣以衆寡不敵遣騎還告貝勒營貝勒統師馳赴
明兵望見驚潰察哈喇與阿山等分路追擊擒斬
無算凱旋分

賜所俘獲逾年卒子富喇克塔任佐領兼都察院理事官

崇德八年七月擢工部叅政兼叅領

欽定四庫全書

欽定八旗通志
卷一百六十七

世祖章皇帝順治元年四月授正藍旗滿洲副都統旋擢
本旗蒙古都統隨屠親王多爾袞入山海關擊敗
流賊李自成追至望都連敗賊兵叙功授騎都尉
世職是年冬隨豫親王多鐸征河南趨潼關自成
聚賊抗拒偽汝侯劉宗敏據山列陣富喇克塔同
都統拜音圖以破擊潰之賊犯我蒙古營復督兵
殲賊無算明年陝西底定移師征江南同都統阿
山馬喇布率兵先驅明兵據泗州北淮河橋我兵

至則焚橋遁進克揚州三年隨貝勒博洛征浙

江以雲梯兵攻克處州城進征福建同都統漢岱

克分水關趨泉州連敗拒戰賊衆招撫州一縣三

凱旋加一雲騎尉五年二月以都統巴哈納等連

例奏授佐領吉賽為護軍統領富喇克塔坐扶同

列奏解都統任尋隨征南大將軍譚泰討江西叛

鎮金聲桓次九江賊衆迎戰富喇克塔率師進擊

獲戰艦百餘同都統和洛輝截賊運道奪糧艘二

欽定四庫全書

欽定八旗通志
卷一百六十七

文

百進攻南昌聲桓與其黨王得仁糾賊七萬離城

托據要隘富喇克塔督衆掘港以沙船二十先薄

城明年賊平凱旋富喇克塔卒於軍先是遇

恩詔晉世職為三等輕車都尉七年五月叙江西戰功晉

一等輕車都尉以其子福克都襲

哈寧阿

哈寧阿姓富察世居額宜湖父阿爾圖山率其族

攻薩齊庫城殺部長喀穆蘇尼堪招撫三百餘人

來歸

太祖高皇帝隸滿洲鎮白旗任佐領復分編人戶俾哈寧

阿亦任佐領天聰二年隨貝勒岳託等征明錦州

略松山杏山高橋諸臺堡奮勇擊敵授護軍統領

三年

太宗文皇帝統大軍征明燕京哈寧阿從與明巡撫袁崇

煥總兵祖大壽戰於廣渠門外以敗敵授騎都尉

世職四年奉

欽定四庫全書

欽定八旗通志
卷一百六十七

文

命率精兵百人往略明境五年從征大凌河八年大軍征

明大同哈寧阿先馳至小西城列雲梯攻具我師

遂軍登復以二十人出略擊敗敵兵三百九年同

承政圖爾格狗地入明山西界師旋過平魯衛明

兵躡我後還擊敗之追至城壕斬賊無算叙功晉

二等輕車都尉崇德元年從征皮島有功二年列

議政大臣三年隨豫親王多鐸往會鄭親王濟爾

哈朗軍征明道經中後所祖大壽輕師來襲奉領

翁克及土默特部兵先奔哈寧阿且戰且退士卒被陷論罪應死奉

詔免死革世職籍家產半四年論征明失律之佐領阿蘭太罪哈寧阿復以徇庇論死

上仍貸之坐鞭責六年從圍錦州再敗敵兵明總督洪承疇以十三萬兵赴援

上親統大軍環松山而營度明兵必宵遁

命哈寧阿同護軍統領鯨鯨拜率左翼軍列陣右翼地右翼

欽定四庫全書

欽定八旗通志
卷一百六十七

十一

軍以次遞列屬於海濱夜一鼓明兵果沿海走哈寧阿率師掩擊敵自相蹂躪死者枕藉尋進攻松山屢戰俱捷

敏惠恭和元妃之喪也哈寧阿隨武英郡王阿濟格方

守高橋輔國公扎喀納於軍中絃歌而舞事覺哈

寧阿以不舉劾逮繫既而釋之八年三月同護軍

統領阿爾津征呼爾哈部獲男婦二千五百有奇

牲畜貂皮無算七月凱旋得

優眷順治元年隨睿親王多爾袞入山海關擊流賊李自

成至望都大破其衆又同都統譚泰率前鋒兵追

敗之正定賊倉皇焚輜重遁二年復授三等輕車

都尉是年擊賊綏德州賊聞風遁走追敗之延安

府城內兵出犯左翼軍又擊卻之時李自成已奔

武昌進師馳擊至安陸府獲賊艘八十隻與譚泰

移兵江南遇敵於楊子江奪其戰艦追至富池口

敵列陣岸上又擊敗之三年二月隨順承郡王勒

欽定四庫全書

欽定八旗通志
卷一百六十七

十一

克德渾征湖南流寇敗偽伯吳汝義降其衆四月

晉二等輕車都尉五月隨肅親王豪格擊敗叛鎮

賀珍於漢中窮追至秦州賊黨武大定退據三寨

山山勢壁立未可攻我師圍之偽遊擊周克德者

遣其子來降導我師由僻徑登其守將石國璽為

內應哈寧阿同副都統阿拉善署護軍統領噶達

渾率兵六百破壁壘入賊皆自山墮崖下斬殺略

盡進征川賊張獻忠略夔州茂州資州遵義相繼

克捷五年正月師旋叙功晉一等輕車都尉世職是年卒子率顏襲

珠瑪喇

珠瑪喇姓碧魯世居葉赫

太祖高皇帝時率所部呼爾哈人來歸隸滿洲鑲白旗任佐領天聰三年隨大兵入明邊至遵化擊敗敵兵閱三日

太宗文皇帝親臨遵化城明山海關兵赴援將入城珠瑪

欽定四庫全書

欽定八旗通志
卷一百六十七

十一

喇率哨卒十人至擊斬甚衆至燕京遇明總兵滿桂黑雲龍麻登雲孫祖壽等軍於大紅門同叅領音達戶齊額駙揚古利擊却之旋克永平復攻昌黎奮勇先登身被六創叙功授騎都尉世職尋緣事削去五年圍大凌河城明監軍道張春赴援珠瑪喇同叅領鄂諾連戰破其前後隊六年從征察哈爾獲布顏圖台吉於穆魯哈岱殲其從者百餘人俘其妻子以歸七年隨貝勒德格類岳託攻旅

順口率護軍十人乘船登岸擊克城步軍統領巴奇蘭曰誰能用命先登者珠瑪喇與佐領雍舜起躍而上向敵大呼曰我珠瑪喇登城矣連被三創不少却卒拔其城

上為嘉嘆親酌金卮以賜復授騎都尉世職九年隨貝勒多鐸征明夜設雲梯攻錦州被創甚劇崇德元年征朝鮮自山巔力攻奪其寨門大兵繼之不戰而入遂取一寨又率兵征明敗其總兵海革軍取四

欽定四庫全書

欽定八旗通志
卷一百六十七

十一

縣師還擊敗開平兩營兵三年七月授兵部理事官十月從圍錦州率甲士四十人攻襲廣寧北營峙山山寨收降駱駝山兵衆又與都統石廷柱招降大凌河北山四寨六年同叅領禧福奉

命往張家口董理互市事及還法司劾其以私財市貨物向藩部人索馬諸罪狀論死籍沒得

旨寬宥卓世職輸所市貨物入官尋隨鄭親王濟爾哈朗圍錦州敗敵騎之來奪我紅衣破者敵騎復犯我

軍珠瑪喇注矢射之應弦而仆敵衆退走七年與前鋒統領沙爾瑚達征松阿里江呼爾哈部落招降喀爾喀木等十屯俘丁壯千餘及牲畜輜重以歸

命禮部官迎勞宴賚之

世祖章皇帝順治元年珠瑪喇任叅領率兵從睿親王多

爾袞入山海關擊敗流賊李自成七月授正藍旗

滿洲副都統尋擢兵部侍郎明年正月叙克明燕

欽定四庫全書

欽定八旗通志
卷一百六十七

京破流賊及克錦州松山功復授騎都尉世職十

一月與副都統和托等駐防杭州任左翼副都統

時明福王朱由崧之大學士馬士英竄嚴州與其

總兵方國安糾衆犯餘杭珠瑪喇率兵擊走之還

距杭城三十里突遇土賊復大破其衆國安等仍

聚衆數萬於江東赭山及杭州之朱橋范村所在

肆掠珠瑪喇同總兵田雄副將張杰等分兵進勦

賊志平三年從征福建與護軍統領敦拜擊敗其

總兵黃某軍四年考滿加一雲騎尉五年隨征南大將軍譚泰勦江西叛鎮金聲桓敗賊兵七萬又與都統和洛輝及沙爾瑚達連敗賊兵焚其戰艦千三百餘招撫九江一府五縣七年三月遇

恩詔賜勅授三等輕車都尉世襲罔替又以平江西功晉

世職為二等八年擢正白旗蒙古都統遷吏部尚

書兩遇

恩詔晉三等男十年冬吏部擬銓廢員房之麒為山東驛

欽定四庫全書

欽定八旗通志
卷一百六十七

道之麒嘗任山東按察使罷職占籍青州為山東

巡按馮右京列薦起用至是改歸直隸東明籍有

旨詰問吏部以直隸縉紳保結可憑復奏會給事中許作

梅劾之麒於青州置田宅朦朧就銓復奉

旨嚴飭察核乃議之麒應革職

上以部臣於銓授時不行詳勘及詰問仍支飾

命王大臣察奏珠瑪喇坐罰鍰罷尚書任專管都統事十

一年孫可望李定國自雲貴寇廣西分兵犯廣東